

# REFERAT IA - Inoqarfinnut Ataatsimiititaq d. 31-01-2024

**Mødedato** Onsdag d. 31. januar 2024 kl. 17:00

**Mødested** Kommunalbestyrelsesip ataatsimiittarfiani

## Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Suliatigut aqutsinermik nakkutilliineq.....	6
Kommuneqarfik Sermersuumi eqqakkat pillugit malittarisassat nutartikkat inaarutaasumik akuersis	9
Tamalaat.....	12
Imaqarniliap akuerineqarnera.....	13

## **Punkt .: Saqqaa**

### **Ilaasortat:**

Juaaka Lyberth (IA) siulittaasoq

Lone Rosengreen Pedersen (IA)

Harald Bianco (IA)

Dines Mikaelen (S)

Mala Høy Kúko (S)

### **Beslutning**

#### **Ataatsimeeqataasut:**

Juaaka Lyberth (IA)

Uju Petersen (IA) Lone Rosengreen Pedersen-imut sinniisuuvoq

Dines Mikalsen (S)

Storm Ludvigsen Mala Høy-Kúko-mut sinniisuuvoq

#### **Ataatsimeeqataasinnaanatik nalunaartut:**

Lone Resengreen Pedersen (IA)

Mala Høy-Kúko (S)

## **Punkt .: Oqaluuserisassat akuersissutigineqarneri**

### **Beslutning**

Oqaluuserisassat akuersissutigineqarput.

**Punkt .: Nalunaarutit**

**Beslutning**

# **Punkt 1: Suliatigut aqutsinermik nakkutillineq**

## **Beslutning**

Ilisimatitsissut tusaatissatut tiguneqarpoq.

## **Bilag**

Suliatigut aqutsinermik nakkutillineq

## Suliatigut aqutsinermik nakkutilliineq

Ilinniarneq, misilittakkat naliliinerlu

Ilisimatitsissut

SagsID.: EMN-2023-03351

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Illoqarfimmik ineriartortitsinermut sanaartornermullu Ataatsimiititamut aamma Inoqarfinnut Avatangiisinullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Kommunit aqunneqarnerat pillugu inatsimmi (Inatsisartut inatsisaanni) Kommunalbestyrelse kommunimi qullersatut oqartussaasutut akisussaasuusoq. Tassani kommunip ingerlatsiviini sulianik suliarinninnermi nakkutilliinissamat Kommunalbestyrelse pisussaaffeqarpoq. Sanarfinermut Avatangiisinullu Ingerlatsivimmi aqutsisut matumani arlaannulluunniit attuumassuteqanngitsumik nakkutilliinissamat suliniuteqarlutillu ingerlatsipput.

Ulloq 21. August advokati Kasper Skare Advokatfirmaet Kirk Larsen & Ascanius Greenlandimeersoq ingerlatsivimmi aqutsisunik nakkutilliinerminik nassuiaavoq. Sanaartornermi suliat 15-it nalaatsortumik toqqakkat nakkutilliiffigineqarput nakkutilliinerlu piffissami 24. juli - 9. augustimi ingerlanneqarpoq. Nakkutilliineq inatsisilerinermi nakkutilliinertut aqqqissuunneqarpoq taamaattorli aamma sullissinermi sunniuteqarluarnermik malinnaaviginninnermik imaqqarpoq. Nakkutilliinermut aallaavigineqarpoq ingerlatsivimmi pitsaasumik ileqqoqarnermut malittarisassat taassuma ataani ingerlatsinermi inatsimmi malittarisassat, pisortat ingerlatsinerat pillugu inatsit aamma inatsisitigut aalajangigaanngitsumik inatsisilerinermi najoqqutassat. Matumani suliassamik saqqummiussami paasisat pingaarnerit saqqummiunneqarput kiisalu nakkutilliinermi paasisat najoqqutaralugit sullissinerup pitsaanerulernissaanut iliuserisinnaasat.

Sanaartornermut suliani 15-iusunni sullissinermut tunngasuni kukkunerit 14-it nassaarineqarput. Katillugit sullissinermi amigaatit pingaaruteqanngitsut 14-it pingaarutillillu 9-t nassaarineqarput. Pingaarnertut nassaarineqartut tassaapput:

- Allattuisussaataaernerminik takunninnginneq/suliaqannginneq
- Naammagittaalliornissamat ilitsersuut amigaataasoq imaluunniit kukkusooq.
- Akuersissutit piomasaaqatitallit nalunaarutigineranni ingerlatsiviup nakkutilliisinnaaneranut paasissutissat amigartut. Taamatuttaaq piomasaaqatinik unioqqutitsinermi ingerlatsivimmit kinguneqartitsinissamat periarfissanik paasissutissat
- Aalajangiinerit mailikkut aalajangiunneqartut atsiornertaqanngitsut
- Illuatungerisamik tusarniaanerit amigaatigineqartut
- Sullissineq imaluunniit akissuteqarnissaq sivisooq
- Aalajangiinermi tunngavilersuut amigaataasoq imaluunniit amigartooq
- Immikkut akuersissuteqarnerminik nalunaarneq eqqaamiunik tusaarniaanertaqanngitsumik imaluunniit eqqaamiunik tusarniaannginnissamat tunngavissaqanngitsumik
- Kuuffissuarmut atassusiliinissamat akuersinerup nalunaarutigineqarsimanera takuneqarsinnaanngilaq
- Mailikkut inunniit paasissutissanik mianerisassanik imalimmik nassiussineq

Suliatigut aqutsinermik nakkutilliineq aallaavigalugu ingerlatsivimmi pisortaqtigiinnit sullissinerup pitsanngorsarnissaanut suliniutinik aallartitsinissaq aalajangiunneqarpoq. Taamaattumik ingerlatsivimmi pisortaqtigiit pingaartumik suliniutigineqartariaqartunik pingaarnertut suliniutigineqartussanik marlunnik toqqaapput, tassaasut:

- Skabelonit immersugassallu
- Ilinniartitsineq

Sullisinnermut atatillugu skabelonit immersugassallu nutarterneqarnissaat pitsanngorsarnissaallu pisariaqarpoq, taakkua ataanni pingaartumik aalajangiinnermut atatillugu skabelonit immersugassallu atorneqartartut. Skabelonit immersugassallu siunissami ullutsinnut naleqqunnerussapput paasissutissanillu tunngaviusunik imaqarnissaat ingerlaavartumik qulakkeerneqartassallutik. Taakkua saniatigut ingerlatsivimmit sulisut piginnaanngorsarnissaannut ilinniartitsinissamut ingerlaavartumik suliniuteqartoqarpoq. Ingerlatsivimmit 2024-mi kvartaalimi siullermi ingerlatsivimmi sulisunut pitsaasumik ilinniartitsinissaq naatsorsuutigineqarpoq. Ilinniartitsineq ingerlatsiviup sullissinera aamma suliatigut aqutsinermi nakkutilliinermi paasisat aallaavigalugit ingerlanneqassaaq taamaasilluni kukkunerit qulaani allassimasut uteqqinneqannginniassammata. Ilinniartitsineq naatsorsuutigineqarpoq ukiumut ataasiartumik ingerlanneqartassasoq taamaasiornikkut ingerlaavartumik nutarterinissaq eqqaasitsisarnissarlu qulakkeerneqartassammat.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### **Ilanngussat**

1. Suliatigut aqutsinermik nakkutilliineq

## **Punkt 2: Kommuneqarfik Sermersuumi eqqakkat pillugit malittarisassat nutartikkat inaarutaasumik akuersissutigineqarneri**

### **Beslutning**

Inassuteqaat akuersissutigineqarput.

### **Bilag**

Inoqutigiinnut eqqakkanik pilersitsisartunut Eqqakkat pillugit malittarisassat 2023-mi atuuttussat

Inuussutissarsiortunut aamma suliffeqarfinnut Eqqakkat pillugit malittarisassat 2023-mi atuuttussat

## **Kommuneqarfik Sermersuumi eqqakkat pillugit malittarisassat nutartikkaat inaarutaasumik akuersissutigineqarneri**

Aalajangiiffigisassaq

SagsID.: EMN-2022-09202

Sanarfinermut Avatangiisinullu Ingerlatsivik – pisortaq Søren Pedersen / SSKP

### **Inassuteqaat**

Sanarfinermut Avatangiisinullu Ingerlatsivimmit Inoqarfinnut Avatangiisinullu Ataatsimiititamut inassuteqaatigineqarpoq:

- Inoqutigiinnut eqqakkanik pilersitsisartunut eqqakkat pillugit malittarisassat 2023-mut atuuttussat nalunaarutigineqarnissaat siunertaralugu akuersissutigineqassasut
- Inuussutissarsiortunut aamma suliffeqarfinnut eqqakkat pillugit malittarisassat 2023-mi atuuttussat nalunaarutigineqarnissaat siunertaralugu akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### **Suliassamik saqqummiussineq**

Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersumi Kapitali 8 § 18 innersuussutigalugu Nunatsinni kommunalbestyrelsit malittarisassamik ataatsimik arlalinnilluunniit kommunimi atuisinnaatitaasunit eqqakkanik pilersitsisarnermut eqqakkanik katersuinissamut innersuussisarnissamullu aaqqiissutinik allaaserisanik imalinnik suliaqarnissamut pisussaaffeqarput.

Ingerlatsivik kommunimi eqqakkat pillugit malittarisassanik nutarterivoq, Naalakkersuisut kommunimi ileqqoreqqusat 2023-mi apriilip 28-aneersut pillugit allaffissornikkut maleruaqqusaannik malinninnsaq siunertaralugu. Malittarisassani allaqqavoq, kommunimi ileqqoreqqusat Inatsisartut inatsisaat, Inatsisartut peqqussutaat imaluunniit Namminersorlutik Oqartussat nalunaarutaat malillugit aalajangersakkat innuttaasumut atuuttut, inatsisitigut Namminersorlutik Oqartussat nalunaarutaattut isigineqassasut. Naleqqusaanermili kommunalbestyrelsimit, Naalakkersuisuniunngitsaq, akuerineqarlutillu atuutilersinneqassasut allannguutigineqarpoq taamaattumillu kommunimi ileqqoreqqusat maleruaqqusat pitsaassusissaannik assingusunik malinnissapput.

Eqqakkat pillugit malittarisassat paragrafilersorlugit massakkut suliarineqarput malittarisassallu immikkoortiterneqarlutik, taamaalilluni eqqakkanut malittarisassat marlungorlutik, matumani inoqutigiinnut eqqakkanik pilersitsisartunut malittarisassat kiisalu Inuussutissarsiortunut aamma suliffeqarfinnut malittarisassat pineqarlutik. Eqqakkat pillugit malittarisassat taamatutaaq Avatangiisinut Naalakkersuisoqarfimmit kiisalu Namminersorlutik Oqartussat Inatsisileriffiannit misissorneqarput.

Eqqakkat pillugit nalunaarummut nutaamut atatillugu atoqqiinerusarnissaq immikkoortiterinerusarnissarlu pillugit piumasaqaatitaqartoqarpoq, tamatumalu kingunerisaanik eqqakkat immikkoortitassat amerlanerusut allaaserineqassallutik. Eqqakkat annikinnerpaaffianniitinneqarnissaat siunertaavoq, tamannalu kissaatigineqarpoq. Taamaattumik

ingerlatsivimmiit ataavartumik pitsanngorsaaniissat aamma eqqakkat pillugit iliuusissatut pilersaarutit nutaat suliarineqarnissaat qimerluuualarneqarlutik.

Aningaasaqarnermut Inuusutissarsiormullu Ataatsimiititap 2023-mi maajip 9-ani ataatsimiinnermi malittarisassat sapaatip-akunnerini sisamani tusarniaassutigineqarnissaat akuersissutigaa. Tusarniaanermi piffissarititaq 2023-mi septembarip 22-anit 2023-mi oktobarip 20-anut ingerlanneqarpoq. Tamanut tusarniaanermut atatillugu, Ingerlatsivik tusarniaanermut akissutinik tigusaqanngilaq, taamaattumillu massakkut malittarisassat inaarutaasumik akuersissanngorlugit nassiunneqassapput.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Avatangiisit innarlitsaaliorneqarnissaanik pillugu Inatsisartut inatsisaat pillugu Namminersorlutik Oqartussat nalunaarutaat nr. 04 17 februar 2022-meersoq
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersoq
- Kommunimi ileqqoreqqusanut malittarisassat 28 aprili 2023-meersut

### **Ilanngussat**

1. Inoqutigiinnut eqqakkanik pilersitsisartunut Eqqakkat pillugit malittarisassat 2023-mi atuuttussat
2. Inuusutissarsiortunut aamma suliffeqarfinnut Eqqakkat pillugit malittarisassat 2023-mi atuuttussat

**Punkt .: Tamalaat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14:20